

24

7

9

藏書印

新編排韻增廣事類氏族大全

(立庚)

(程)

商音

安定

周程伯休父之後程國名休父為大司馬其後以國為氏○晉有程鄭為大夫六驩屬焉成十八

佐及不哲太郎成遺書寄贈之序慶應義塾圖書館

(戊集)

立孤

程嬰晉趙氏客也屠岸賈攻滅趙氏趙朔夫人有遺腹及生男夫人置之袴中得脫朔客公孫杵臼謂嬰曰胡不死嬰曰死易立孤難杵臼曰吾為其易子為其難取他人嬰兒匿山中嬰繆呼曰与我千金吾告趙氏孤處屠岸賈諸將隨嬰殺杵臼及趙孤而趙氏真孤乃在嬰家後十五年因韓厥復立之是為趙武嬰乃自殺曰我得下報宣孟与杵臼矣史記劉後村詩賢矣兩家臣存孤極苦辛後來有曹馬亦是受遺人宋紹興為立廟封二子為侯

傾蓋

孔子之郊遇程子於途傾蓋而語終日甚相親也顧子路取束帛一以贈先生

程李

程不識漢元光初与李廣為東西衛尉程治軍極嚴廣極簡易俱為名將灌夫罵坐曰今日斬首尤曾何知程李

膽過賁育

程昱字仲德魏武表為東平相嘗曰程昱之膽過於賁育拜奮武將軍 二子武 延及 孫曉

程黻

程曉仕魏為汝南太守作伏日詩云平生三伏時道路无行車今世程黻子觸熱到人家

伊洛道李

程顥字伯淳十歲能為詩賦十二三居庠序如老成人與弟頤以經術為諸儒倡 坐如泥塑人接人渾是一團和氣 窓前有茂草覆砌或勸芟之曰常欲見造化生意置盆池蓄小魚數尾時時觀之或問之曰欲觀万物自得意范祖禹與陳瑩中論顏子不貳過惟伯淳能之瑩中曰伯淳誰也公曰不識程伯淳邪曰予生長東南實未知也乃作責沈文以自責 宋神宗朝為監察御史裏行上問所以為御史對曰使臣拾遺補闕裨贊朝廷則可使臣掇拾臣下短長以治直名則不能上曰得真御史体上使擇人才薦十數人而以父表弟張載與其弟頤為首張茂則嘗招 講官啜茶觀畫先生曰平生不喫茶亦不識昼元豐八年卒年五十四文潞公表其墓謚曰明道先生其表畧云才周万物而不自以為高李際三才而不自以為足行貫神明而不自以為異識照古今而不自以為得 晦庵贊云揚休

山立玉色金声元氣之會渾然天成

真侍講

程頤字正叔以經學淑人呂申公司馬公同薦之云河南處士程頤力孝好古安貧守節年踰五十不樂仕進真儒者之高尚聖世之逸民 朱光庭言頤道德純備孝問淵博有經天緯地之才有制礼作樂之具以言乎道則貫徹三才而无一毫之為問以言乎德則并包衆美而无一善之或遺以言乎孝則博古通今而无一物之不知以言乎才則開物成務而无一理之不明乃天民之先竟聖代之真儒 元豐八年以通直郎召授崇政殿說書入侍經筵文潞公聞其講說曰真侍講也 紹聖中孔文仲奏先生為五鬼之魁 胡宗愈深詆之 范致虛奏先生惑亂衆聽事下河南府及逐李徒隸元祐黨籍涪州編管徽宗即位復宣德郎大觀元年卒年七十五號伊川先生晦翁

贊云規圓矩方繩直準平允矣君子展也大成布帛之文菽粟之味知德者希孰識其貴 紹興初官其一孫名易

掌文柄

程大昌字泰之乾道中為司業兼礼侍一時文柄屬公成就人才甚多 著禹貢論五十二篇卞江淮河洪弱水黑水甚詳著演繫露六卷易老通言易原莊錄四書各十卷頗有功於學者

守庚申

程紫霄有道之士也有朝士夜會終南大一觀拉師同守庚申師作詩云不守庚申亦不疑此心只与道相依玉皇已自知行止任汝三彭說是非

○程邈秦時人改篆為隸今楷字是
○程林烏巾秦時人以釀美酒得名

○程普仕吳與周瑜為左右督時人呼為程公江表席臣

○程啟梅州人結廬江濱人服其行義名其江曰程江

○程靈洗少以勇聞仕陳為豫州刺史號雲飛將軍

○程文季靈洗之子勇決有父風北齊憚之號為程彪

○程元帥事王通北面受王佐之道備聞六經之義

○程知節唐貞觀中封盧國公圖形凌煙閣

○程琳字天球前後守魏十年 宋元祐中拜相謚文簡

○程珣仕宋為中散大夫與潞公同甲會見文姓子顯頤

○程瑀仕宋為給事中居瑣闥以平奏自任上特賜象笏

女德婚姻

烈婦

程氏事衛方厚為董昌齡所殺程氏步行詣闕自刎為夫陳寃
文宗詔封武昌縣君

擇婦

伊川遺訓云世人多謹於擇婿而忽於擇婦其實婿易見而婦
難知所係甚重豈可忽哉

姑舅婚

程仁霸女適蘇老泉又又女適仁霸孫之才見蘇姓程之邵程

懿叔程德孺皆東坡表弟也坡送程六表弟云君家兄弟直連

壁門十朱輪家万石賀德孺生日長身自昔傳甥舅壽骨遙知

是弟兄

富婚

程楚賓家富于財重鄉人呂誼之才以女妻之誼早孤貧不能
自振楚賓厚分資贍濟其所欲故其名譽自廣

○明道娶彭思永女見彭姓 ○明道之女適朱純之

○陶靖節之妹適程氏 ○程文矩妻李清之女兄穆美

○鵬程 烏程 周程

商音 隴西

顯帝孫陸終第三子曰大彭即彭祖也堯封之彭城以國為姓孔子竊比老彭註云殷之賢大夫

導引術

彭祖歷虞夏至商壽八百歲故號曰彭祖有導引術有疾則閉氣以攻所患運行体中達趾末即体和矣嘗云服藥百裏不如獨卧 本姓錢名鏗可借用

仙曲

彭令昭歌帥也秦始皇時武夷君會鄉人于幔亭峯令昭歌人間可哀曲歌罷綵雲四合環珮鏘然凌空而去

張彭之李

彭宣師事張禹治易禹受易於施讎由是施家有張彭之李禹薦宣明經有威重可任政事入為右扶風 哀帝朝拜大司

空封長平侯

書李

彭閔治陰陽書漢光拜相榮為博士榮曰臣不如同門生彭閔因拜為議郎

童子義士

彭脩字子陽漢永平間人年十五父為郡吏得休与脩同歸道為盜所劫脩拔刀前持盜曰父辱子死盜曰此童子義士也辟謝而去 後仕郡為功曹

白日上昇

彭抗字武陽累迁尚本左丞以疾辭歸師事旌陽李修仙道日益精進宋末初二年二月十六日奉家白日昇天 趙宋政和中封潛惠真人

恬退士

彭乘字利建，奉進士，與同年生登相國寺閣，顧望鄉閭曰：「親老矣，安可捨晨昏之奉，以圖一身之榮乎？」乃奏乞歸侍養。後中書擬人乘在選中，上曰：「此恬退士也。」仁宗朝為翰林學士。

不拾遺金

彭思求字季長，登天聖五年第八九歲時，晨就李舍，得金釵於門外，訪失主還之。仁宗朝為御史，抗疏極論張堯佐、王守忠之憑恃寵倖，上怒解公言職。公居顯仕，奉養不改其素氣，宇高爽，未嘗有怠慢之色，戲侮之言。以戶侍致仕，年七十一。

義莊

彭汝礪字器資，鄱陽人，弱冠為狀元，王安石薦為國子直講，擢大子中允，監察御史，裏行初對上十事，皆人所難言者。元祐中為中書舍人，詞命典雅，有古人風，上賜服金紫。居家孝友，兄无子，為立後，以所得官俸振給族人之貧者，置義莊，弟汝方

知衢州，立忠節方臘，陷城，罵賊而死。

五恨三奇

彭淵材家宜豐，宋元豐間人，平生喜遊，出入京師貴人之門，十餘年，父以書呼之歸，侍一日，以一黥徒負一布囊而歸，一邑聚觀，意囊中皆金珠也。淵材曰：「吾富可以埒國，及開囊，止有李廷珪墨一九文，与可竹一枝，歐陽公五代史藁一巨編而已。」嘗自言平生有五恨：一恨鱗魚多骨，二恨金橘帶酸，三恨蓴菜性冷，四恨海棠无香，五恨曾子固不能詩。曉大樂，嘗獻樂書，得協律郎。時洪覓範奇於詩，鄒元佐奇於命，淵材奇於樂，號新昌三奇。姪覓範為僧，名惠洪，有冷齋夜話，并露集、林間錄，行於世。

母自欺

彭龜年字子壽，登乾道五年第，益篤於孝，以母自欺，名齋以書。

問南軒中庸語孟大義 鄭僑張杓同薦為大常博士 開禧
中以室謨待制政仕謚忠肅 名隸偽李偽黨之籍 號立堂

五歲能詩

彭與祖五歲能詩劉穀五歲能騎射紹興中張俊以名聞召見
內殿以興祖為迪功郎穀為進武校尉皆賜袍笏

談詩

彭仲奉乾道間為正字林謙之為司業二人遊天竺談詩談到
少陵好處仲奉大呼曰少陵可殺聞者曰林司業彭正字謀殺
少陵

蓮峯幸民

彭正建以詩名世有云天与蓮峯作幸民舊時相識幾尤存家
書千里懶開眼儻屋兩間長閉門

羯鼓縮詩

彭公永福州人紹興戊午登第長子渙次子演相繼及第演嘗
宿耳泉店因閑步至一官舍梁上有紅絲羯鼓縮數條垂于地
一老人杖而守之曰此開元與慶宮也二百年中至此者十二
人皆有留題請書一絕演詩云長安宮闕半蓬蒿塵暗虹梁羯
鼓縮惟有水天明月夜一條空碧見秋毫題畢而退

扁舟載鶴

彭載元豐中為兩浙提舉奉祠以歸嘗畜雙鶴江左士大夫送
之詩云扁舟載雙鶴方卷貯群書

江西社

彭元忠淳熙中為司戶揚誠齋贈詩云詩入江西社心傳肘後
方木天須此士丹筆校官黃

彭更

○彭越洪高開國功臣封梁王以无罪受誅

○彭齊文章江西三瑞見蕭姓

○彭任聞富弼使不測之虜憤二推酒床拳皮皆裂

婚姻

彭抗師事旌陽納愛女旌陽之子為婦旌陽嘉其誠恪應諸秘要悉以傳之彭思求程明道之母舅明道年十二三思求見而奇之許妻以女

○老彭 岑彭 三彭 韓彭

明 宮音 吳吳

周泰伯之裔為百里奚生孟明視子孫以王父字為氏

籀冠

明僧紹字休烈少明經有儒術宋元嘉中舉秀才後隱居攝山棲霞寺齊高帝欲見之不得他日謂其弟慶符曰卿兄高尚其事賜以竹根如意笥籀冠隱者以為榮封延伯聞之哄曰身弥後而名弥先亦宋齊之儒仲也弟慶符為青州刺史

珥金拖紫

明山賓字孝若梁武朝首應五經博士出守大藩擁旌節珥金拖紫而恆事屢空帝命裁成大典吉礼則明山賓凶礼則嚴植之軍礼則陸璣賓礼則賀瑒嘉禮則又命沈約徐勉等參評

盛夏取雪

明崇儼以奇術自名唐高宗召見盛夏思雪崇儼坐頃即取以進自云於陰山取之上又憶瓜索百多須臾以瓜獻曰得之緱氏老人圃中上召問老人云失一瓜而得百多

○明仲璋亦居栖霞寺二後有碧鮮亭白雲庵白雲泉

○明公遐梁簡文除為尚書曰不喜鄰得尚書喜朝廷得人

○明鎬字化基薛奎稱其有廊廡材宋仁宗朝參政

○明橐宋紹興中為御史宣諭廣東訪求遺逸

○昆明 孔明 淵明

商音 河內 韓哀侯少子食采平邑因氏焉

父子宰相

平當字子思以尚書授朱普鮑宣由是歐陽書有平陳之吝

洪哀帝朝拜相賜爵關內侯 子晏亦以明經拜相封侯 洪

與父子拜相惟韋平二氏

視井湧泉

平蓋字明達受詩書禮通大義 仕魏為懷州刺史敵來攻城

二內泉竭鑿具衣冠俯井而視水泉湧出 北史

○平相安貧樂道魏帝徵為中書博士

○廣平 君平 邵平

角音 廣平 楚熊繹國古荊州之地故亦居荊

攝相

荆公攝相事孔子使人往觀返曰其朝清靜無事家語

易水悲風

荆軻衛人燕太子丹客之稱荆卿令劫秦王反諸侯侵地方入

秦賓客皆白衣冠送至易水既祖取道高漸離擊筑荆卿和而

歌曰風蕭蕭兮易水寒壯士一去兮不復還復為羽声士皆瞋

目髮盡指冠入秦事不成死之

名將

荆罕儒後周名將也前後一百五十餘戰皆有功而未嘗自伐

○班荆 紫荆 負荆 識荆

角音 東都 衛此公少子段封京謂之京城太叔 因氏焉

易學

京房字君明治易長於災變分六十卦更日用事以風雨寒溫
為候 初事焦延壽延壽曰傳吾道以亡身者京生也後異因

上封事言災異下獄弃市 漢元帝朝為魏郡太守秩八百石

公輔器

京鏜字仲遠豫章人宋紹興中奉進士 高宗謂趙師雄曰京鏜有公輔器 使金國以我喪故不肯受宴樂題詩于館云鼎湖龍去已無蹤三遣行人意則同凶礼強更為吉礼夷風終不變華風假令耳与笙鏞未只願身并鼎鑊中已辦滯留期必得不能築館汴江東使還上曰京鏜今之毛遂也 有樂章自號松坡居士集 與何浩劉德秀胡絃專主偽李之禁宋寧宗慶元中拜右相 子沆

○王京 八世莫京

(榮)

周大夫榮救其先食采於榮因氏考

三樂

榮啓期鹿裘帶索鼓琴而歌孔子遊太山見而問何以樂曰吾

得為人一樂也得為男二樂也人有不免襁褓祿吾行年九十矣

三樂也貧者士之常死者人之終處常得終吾所樂也 列子

○楚榮黃諫子玉請以瓊弁玉纓畀于河神 僖二十八年

○魯大夫榮成伯勸襄公如楚曰遠圖者忠也 襄元

○榮旂字子祺孔門弟子 贈雩婁伯

○榮毗字子謚仕隋為侍御史立朝侃然正色百僚所憚

尊榮 仁則榮 前榮

(成)

商音 上谷 周文王第五子卬叔武之後以同考氏其後去乃為成肅公為周卿士左成期齊人孟子

貴仕

成得臣字子玉仕于楚伐陳有功使為令尹子文曰有大功而無貴仕其人能靖者与有幾 傳世三子大心

坐滿

成瑨洪相帝朝為南陽大守信任功曹岑暉時語曰南陽大守岑公孝弘農成瑨但坐嘯

公車禮聘

成翊世漢逸士也安帝即位陳忠上書薦周燮杜根成翊世為有道之士於是公車禮聘焉

政績

成景雋仕為豫州刺史有政績甚得吏民心南史

我在典刑

成幼文仕南唐為大理卿作謁金門云風乍起吹皺一池春水唐王召問之曰我在典刑一池春水関卿甚事

應制科

成銳宋人應制科以詩上王文惠公其野菊云綵檻應無分東風不借恩其野花云馨香雖有地栽植未逢人

婚姻

成藻為南宮令竒馮素弗之為人以女妻之

○陶成 大成 虧成

(英)

英氏因臯陶之後也其後以因為氏

英布六人也少时有容相之曰當刑而王及壯坐法黥故曰黥布陳涉赴布往見番君又以女妻之後事項王又拔劍歸洪高祖即位封淮南王

○雲英 落英 英英

(衡)

商音 平陽 商伊尹為阿 衡子孫因以為氏

衡方厚唐人見程氏

○匡衡 祢衡 權衡

[Faint bleed-through text from the reverse side of the page]

(十五青)

(丁)

徵音

濟陽

齊大公生丁公叔子孫以王父字

名藏金匱

丁復佐漢有功高帝即位剖符作誓金匱石室定元功十八人位復居十七

易李

丁寬字子襄事田何李易李成東歸何謂門人曰易已東矣漢景朝為梁孝王將軍 作易說三万言

殿中無雙

丁鴻字孝公治尚書漢肅宗詔鴻与諸儒於白虎觀論定五經鴻論難最明時語曰殿中无雙丁孝公 封馬亭鄉侯 父緄從光武征伐願封本鄉封新安鄉侯

松夢

丁固初為尚書夢松生腹上謂人曰松字十八公也十八歲其為公乎卒如其言吳人

聚書

丁顥宋初人及家貲買書至八十卷曰吾聚書多矣必有好孝者為吾子孫 子逢吉為光祿寺丞 孫度

述英要覽

丁度字公雅登服勤詞李科仁宗朝為翰林十年著述英要覽十卷上呼為李士而不名 迂端明殿李士仁宗曰度為侍從十五年議論天下事未嘗及私 後拜參政

穀子選

丁謂字公言宋太宗朝登第孫何第一謂第四耻居其下上曰甲乙丙丁合居第四夫復何言 真宗朝拜參政或率楊億賀億曰穀子選耳何足道哉 後拜相自以為令威後故好鶴人

呼為鶴相

○丁恭以春秋教授生徒數百人當世稱為大儒

○丁儀丁廙兄弟並有文采魏文帝以為曹植黨誅之

○丁蘭事母孝

○丁令威鶴仙也化為白鶴集遼東華表柱吟一詩而去

女德婚姻

仙女塔

丁義以神方授吳真君今瑞州崇元觀乃丁真君女秀英煉丹之所丹井猶存秀英仙去葬衣冠於觀北至今呼為仙女塔

擇婿

丁顥與竇偁同幕時顥子謂尚幼偁見而奇之曰此子後必以文致遠以女妻之

○丁姬生哀帝田是許史丁傳之家皆重侯累爵

○丁謂女適外惟演之子

○識丁 添丁 石与丁

(刑)

商音 河間

周公第四子封於邢傳所謂邢茅昧祭周公之胤是也子孫少國為氏刑崩勇士也秦二十一年

雅士

邢顥字子昂孝廉時人語曰德行堂二邢子昂 刘旗曰邢

顥北土之彦少秉高節真雅士也 魏文帝拜為尚書僕射

子友 曾孫文官至尚書

緯世之器

邢昺字洪賓才兼文武內參機揆外寄折衝其緯世之器欵

北魏中書侍郎

一代模楷

邢邵字子才十歲能屬文日誦方言五行俱下一覽无遺讀洪

書五日畧能徧記年未二十名動衣冠 文章獨步當時每一

文出京師為之紙貴時与温子昇為文士之冠世謂之温邢魏

收亦天才艷發温歿後世称邢魏仕北魏為中書令

國藩

邢君牙唐元和中為鳳翔節度使韓愈与之書云閣下為王爪

牙為齧垣

鑿墻度厄

邢和璞得仙与崔司馬有旧崔病經年且死一日卧室聞北墻

有斲声七日不已窺之有人立云邢真人處分開此司馬厄

講学精博

邢昺字叔明講師北二卦宋太宗嘉其精博召為國子監丞專

講学之任真宗始置翰林侍講首以命昺

父子情

邢恕字和叔從伊川李呂公著薦為崇政院說書 元祐初除御史後謫隨州 子居實字敦夫早有詩名山谷詩云兒中兀老蒼趣造甚奇異 早天山谷詩云詩到隨州更老成江山為助筆縱橫眼看白壁埋黃塚何況人間父子情

逸民

邢惇字君雅雍立人宋真宗幸亳州以布衣召對問治道對曰陛下東封西祀皆已畢矣臣復何言上大悅除許州助教不就及卒人見其勅與廢紙同束在屋梁間

○邢貞魏太常卿奉策使吳入門不下車張昭詰之

○邢臧字子良除東牟太守和雅信厚有長者風

○邢冉唐貞元中與李絳等同龍虎榜

女德婚姻

邢姨

邢侯之姨譚公維私手如柔荑膚如凝脂謂莊姜也 詩碩人

尹邢

邢婕妤與尹夫人漢武時並得幸詔不得相見尹請見邢帝使邢衣故衣獨身來前尹見之俛泣自痛其不如也

女君

邢女君濠州人與隣女樵澗徐二水之間有數婦從水出若連腰裙至前曰東海君聘女為婦敷茵褥水上置女坐其上遂逝鄉人為立女君祠

○魏河間邢氏高允娶之

○唐邢渙 初娶李忠女再娶張植女

○尹邢



詳見冷姓

○冷至秦伯使如晉報問 僖十年

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

○魯南豐先生生平嗜書家藏至二萬餘卷手自讎

(十六蒸)

曾

徵音 魯國

夏少康封以子曲烈于魯周末莒滅
即太子巫仕魯去邑為曾氏三桓家
臣魯夫魯阜其後也

堯舜氣象

曾點字皙言志有沂水詠歸之樂程子云點與聖人志同便是
堯舜氣象也 子參

道統之傳

曾參字子與一唯之間深悟一貫之旨 封郕國公

人世取科第

曾致堯南豐人財江擢第自致堯始幼子易簡易占並登科易

占三子 肇 布 肇

五朝史事

曾肇字子固號南豐先生平生嗜書家藏至二萬餘卷手自讎

對白首不倦有元豐類藁五十卷 王震序其文曰南豐以文章名天下久矣其文雄渾瓌偉若江湖之波濤煙雲之姿狀一何竒也 元豐五年與李清臣王存等脩史上手詔中書曰五朝史事宜付曾鞏遂為史館修撰史成上賜龍衣金帶 擢試中書舍人

黨附時相

曾布字子宣奉進士王安石薦之召除崇政院說書後新法青苗助役皆布與惠卿建議也 徽宗朝拜右僕射漸進紹述之說 謚文肅封魯公

前輩風流

曾肇字子開天姿仁厚剛大之氣睥然見於面知其為成德君子也 在朝以論思之責為已任 龜山云公慎重深得大臣之體前輩風流惟公一人耳徽宗朝為翰林學士 謚文昭

賢子弟

曾紆工詩詞號空青先生布第四子也汪彥章誌其墓云公材高識明悟極書史為家賢子弟以文章翰墨風流醞藉為時名勝以精明強力見事風生為國能吏 官至中大夫 三子 惇 忱 澄

鳳池

曾公亮字明仲宋天聖初試雲瑞紀官賦宋郊榜第五人嘉祐中拜相至熙寧中尚在中書年雖老精力不衰故無非之者惟李復圭作詩曰老鳳池邊蹲不去飢鳥臺上噤無聲 以太傅致仕年八十薨謚憲靖 封魯國公 碑曰兩朝顧命定策亞勲之碑 子孝寬字公綽除筭書時魯公還政迎養西府世以為榮

○曾覲字純甫號海野東都故老有詞可稱

○魯從龍字天錫慶元五年進士第一人

○魯懋曾開曾幾兄弟榮貴懋尚書開幾侍郎 懋二子迪造

幾子逢為左司次子逮為侍郎

婚姻

魯崇範妻凡許嫁者數人每至親迎之夕其夫輒死一夕夢有人謂曰田頭有鹿迹田尾有日炙乃汝夫也後嫁崇範乃悟其語

○顏曾 何曾 王曾

應

周武王子封于應 傳言邢晉應韓武之穆也其後以國為氏

淮陽一老

應曜隱於淮南山中洪高時與四皓俱被徵命曜不至時語曰
商山四皓不如淮陽一老

七世通顯

洪中具初有應嫗生四子而寡見神光照社探之得黃金自是諸子宦李並有才名應順子疊 子擲 子奉 子邵 子卯 子場七世通顯

半面識

應奉字世叔少聰明讀書五行俱下 黨事赴慨然以疾自退 追思屈原作感騷三十篇 嘗詣袁賀 時出閉門造車匠於 內開扇出半面視之後數年路逢車匠識而呼之 洪相帝朝 為司隸校尉

著述

應邵字仲遠少篤孝博覽 治聞率高第刪定律令著洪官儀 又撰風俗通以辨物類名號 漢獻朝拜軍謀大尉

三入承明

應瑒字德璉瑒字休璉兄弟並以文章貴顯瑒作詩云問我何

功德三入承明廬蓋為侍郎常侍又中也魏建安七子瑒其一也

百姓歌謠

應詹字思遠仕晉督南平武陵天門三郡軍事時天下大亂詹境獨全百姓歌之曰歲寒不凋孤境獨守極我塗炭惠隆丘阜潤同江海恩猶父母

廟食百世

應智項九江人徙居靖州今瑞州隋末林士弘攻掠江西應於華林山置雲柵募義兵保靖一方武德五年歸唐以為靖州刺史死為城隍之神廟食一郡妻梅氏新昌人

三紅秀才

應子和詩有云兩岸夕陽紅蠟炬短燒紅風過落花紅因話錄云張子野為三影尚書子可為三紅秀才仕宋

○應貞字吉甫自漢至魏世以文章顯軒冕相襲為盛族

(滕)

宮音 南陽

周文王第十四子封于滕子孫以國為氏

文武材

滕抚漢順帝朝博求將帥三公奉抚有文武材拜九江都尉東南悉平

通家之好

滕胃北海人与刘繇通家漢末以世亂渡江依繇善屬文孫權待以賓礼家國書疏常令潤色之子胤字承嗣少有節操為丹陽大守日接賓客夜省文書

寒瓜之卷

滕曇恭年五歲母病熱思得寒瓜土俗不產曇恭遍求乃遇桑門得一瓜以進父母卒水漿不入口者旬日人號為滕曾子

活飢民

滕甫字元發宋神宗朝為翰林李士以論新法出知定州元祐初徙知蘇揚二州又徙鄆州稱為名帥時淮南京東飢召富民約曰吾得城外營地為屋二千五百間活五萬餘人題德安府浮雲樓詩云峯頭便見長安日弄袖時飄夢澤風吳苑久拋飛鳥外楚臺遙望碧雲中

四絕

滕宗諒字子京明道中以司諫謫守岳州重修岳陽樓時稱此樓子京作范文正記蘇子美書邵 篆額號四絕

○滕涉二十四賢中人

婚姻

滕元發五女長適何洵直次適王炳卒又以第四女續姻三適王渙之五適張方平之子恕 元發娶李氏

○長滕 齊滕

(凌)

徵音 河間 衛康叔支子為周凌人子孫以官為氏

虎兒

凌統字公績吳人禮賢好士輕利重義有國士之風 魏張遼軍奄至津口統率兵三百陷圍而出拜偏將軍 評曰江表虎臣也 子烈及封年各數歲每賓客至呼而出之曰此吾虎兒也

後漢春秋

凌准字宗一唐元和間入讀書為文著後漢春秋二十余萬言尚氣節年二十以晝十丞相丞相以聞試其文曰方言授校書郎賜緋魚袋為浙東廉使判官撫循按驗厥績以茂召拜翰林李士 柳子厚銘其墓 子四人 夷仲 永仲 南仲 殷仲

儒官

凌士燮唐人柳子有贈凌助教蓬屋詩序云儒有蓬戶甕牖而自立者河間凌士燮窮討六籍而為儒官

印劔之祥

凌策字子奇宋初奉進士夢人以六印加劔遺之其後官劔外者凡六人以為異知益州迂侍郎

○凌景陽天禧中因廖復訟羅考遂收高第

○凌氏蘇頌妻也

衛大夫承成之後

(承)

承宮字子少八歲時為人牧豕過徐子盛家舍奔猪而畱聽講後為大儒漢末平中為博士迂中即將數進直言朝臣憚之名播匈奴北單于求見宮又兒醜以魏應伐之

(弘)

弘演衛人閔二年狄人弑衛殺懿公尽食其肉獨舍其肝演哭

之及哀曰臣請為襮自出其肝而内懿公之肝

萇弘 公孫弘 王茂弘 導

游雅字伯度文苑傳序云魏有許謙崔宏高允游雅声實俱茂
詞義典正有永嘉之遺烈 大武朝徵為秘書監
上卿祿
游明根字志遠仕魏歷官内外五十餘年處身以仁和接物以
其出 公孫氏 王允氏
之只京自引稱游新自出其相而肉游公之相

(十八尤)

(尤)

徵音 吳吳 聯季之後為沈姓子孫因避仇去水為尤

尤袤字延之年八九歲讀杜甫長篇歌行一過即能逆誦宋紹興中陳俊卿進擬延之為秘書丞南軒得報曰此真秘書丞矣
淳熙中尚楊誠叅同青宮察察定為金石交 終礼尚書 謚文簡 自號遂初

○效尤 蚩尤 拔其尤

(游)

官音 廣平 游字子偃字子游其後以王父字為游氏 游吉 游或皆其後也

名著文苑

游雅字伯度文苑傳序云魏有許謙崔宏高允游雅声實俱茂
詞義典正有永嘉之遺烈 大武朝徵為秘書監

上卿祿

游明根字志遠仕魏歷官内外五十餘年處身以仁和接物以

禮讓時論貴之 与高閑以儒李特被禮遇世称高游 太武朝表求致仕拜為五更給上卿祿

歲寒貞栢

游元字楚客隋開皇中楊玄感脅之為逆不從遇害誠即傳序 歲寒貞栢疾風勁草千載之後凜 如生 追贈銀青光祿大夫

立雪

游酢字定夫與兄醇俱以文孝知名師事伊川一日與楊時同見先生先生忽瞑目坐立侍久之先生顧曰二子猶在乎日暮矣姑就舍退則門外雪深尺餘矣 公之清德重望皎如日星奴隸之賤皆知其流風余韻足以為世師範范忠宣公判河南待以國士還朝薦為大傅 宋徽宗朝除監察御史

泛瀛洲

游操字存誠宋紹興中與潘良能沈介洪景伯俱為秘書省正字同日赴館職少監秦熈於會食之次出對曰潘游洪沈泛瀛洲有欲用絳繹繪維縮綸綽為對蓋熙寧中韓維陳繹韓絳楊繪相先後除李士也

大極說

游誠之南軒高弟也嘗論太極无極聞者服其簡 工詩如東風未肯催桃李留得踈籬淺淡香平生意思春風裏信手題詩不用工閑處謾憂當世事靜中方識古人心等句詩家所稱

○優游 貴游 馬少游

（劉）官音 彭城 陶唐氏之後受封於刘其後劉累事孔甲

為御龍氏在商為豕韋氏在周為唐杜氏杜伯子溫叔奔晉為士氏士會奔秦後歸晉有子留於秦為刘氏周大夫食米於刘亦為刘氏劉康公其後也洪祖賜姜敬姓刘項

伯歸漢亦賜姓劉劉聰自以為洪甥改姓劉氏劉知遠本
沙陀人冒姓劉氏元魏孝文欲革胡俗改獨孤氏為劉氏
枕中秘書
劉向字子政本名更生漢宣招選名儒俊才向與王褒張子喬
進對獻賦頌數十篇初父德治淮南獄得其枕中鴻寶苑秘書
向以獻之方不驗凡陽城侯入國戶半為之贖罪

藜燈

向校書天祿閣有老人黃衣植青藜杖叩閣而進時向坐暗中
誦書乃吹杖端煙焰照之曰我太乙之精天帝聞卯金之子博
學下而觀焉乃出懷中竹牒有天文地圖之書授之自是向等
日進著列女傳八篇新序說苑五十篇歷事三帝居列大夫
宮前後三十余年成帝時王氏愈盛向著洪範五行傳論奏之
天子心知向忠精而不能用於中壘校尉年七十一卒三

子 伋賜歆

父子異趣

劉歆字子駿好古博學仕王莽為國師 容齋云向奉又國家
欲抑王氏歆力贊王莽至為之國師又改名秀以應圖讖竟不
免為莽所誅子棻投四裔天道如是不善者其知惧乎 漢書
有與歆同姓名者四

雲臺功臣

劉隆建武中封長平侯劉植封昌城侯俱圖像南宮雲臺

虎北渡河

劉昆建武中徵為光祿卿帝勞之曰前在江陵反風滅火後守
弘農虎北渡河行何德政而致是事封曰偶然耳帝曰此長者
之言也顧命書諸策

一錢太守

劉寵字祖榮相帝時為會稽太守徙將作監山陰有五六老叟人齎百錢逆寵又為人選一大錢受之

浦鞭

劉寬字文饒相帝時為南陽太守溫仁多恕吏人有過用蒲鞭罰之示辱而已後為太尉當朝會大人令侍婢奉羹翻污朝衣寬徐曰羹爛汝手其性度如此天下稱為長者

三君八俊

劉淑陳蕃竇武為三君 劉祐等為八俊 劉祇等為八顧

劉儒等為八厨皆洪相靈時黨人標號也

依刘

劉表字景外姿兒竒偉漢末為荊州刺史坐保江漢之間王粲往依焉 二子曰琦曰琮弗克負荷曹操曰劉景外兒子豚犬耳

髀肉之嘆

劉備字玄德耳到肩手垂過膝曹操曰大耳兒最叵信後嘗於劉表坐上流涕嘆曰尋常身不离鞍髀肉皆消今不復騎髀裏肉生日月如流老將至矣而功業不建

曹劉絕唱

劉楨字公幹有逸才建安七子以曹劉為絕唱 魏文云七子者騁騏驎於千里仰齊足而並馳並文苑羽儀詩人龜鑑 鍾嶸云若孔門用詩則公幹外堂子建入室景陽潘陸可坐於廊廡之間 詩話

任達

劉伶字伯倫放情建志与嵇阮為竹林之友 嘗乘鹿車携一壺酒使人荷鍾隨之曰死便埋我 著酒德頌一篇為時所稱 仕東晉為建威將軍

乘月清嘯

劉琨字越石初與祖逖俱為司州主簿同寢中夜聞雞鳴逖蹴琨竟曰此非惡聲也皆起舞後聞逖被用與親故書曰吾枕戈待旦志梟叛逆常恐祖生先我着鞭在晉陽為騎兵所圍琨乘月登樓清嘯中夜奏笳敵有懷土之思奔圍去永嘉初都督并幽冀三州事兄琦字慶孫京師語曰洛中爽又慶孫越石

十部從事

劉弘仕晉為開府儀同三司每有兵廢致手書守相丁寧款密咸曰得劉公一紙書賢於十部從事

蓮社

劉驎之字遺民一字子驥晉末作柴乘令人多以柴乘翁為淵明不知遺民嘗作此令也慕遠公名德白首同社

一擲百萬

劉毅字希樂家无檐石之儲樗蒲一擲百萬晉末為青州刺史討桓玄玄初於南郡起齋號盤龍齋毅小字盤龍至是始居之

七業俱興

劉殷字長盛性至孝於西籬下得粟十五種銘曰七年粟百碩以賜孝子劉殷有子七人五子受五經一子受太史一子受漢書一門之內七業俱興晉永嘉之亂陷於劉聰以為尚書

總括二府

劉穆之字道和晉末為左僕射領監軍中軍二麻內總朝政外佐軍旅決斷如流賓客輻湊盈階滿室目覽詞訟手吞牋書耳行聽受口並酬應不相參涉悉皆贍奉

鬼笑

劉伯龍仕宋為武陵太守貧窶尤甚在家慨然將營什一之利忽一鬼在傍抚掌大笑伯龍嘆曰貧窮固有命乃為鬼所笑史

第一官

劉孝綽小字阿士七歲能屬文舅王融稱為神童且曰天下文章無我當歸阿士 侍梁武帝宴作詩七首帝篇又嗟賞授秘書丞謂周捨曰第一官當用第一人 詞藻為後進所宗流聞河朔兄弟群從子姪七十人皆能文近古未之有也 第三弟孝儀第六弟孝威孝綽嘗云三筆六詩各率其所長也 子諒悉晉代故事號皮裏晉書

絕交論

劉峻字孝標為任昉之子著廣絕交論大畧言因五交而生三繫也 梁武帝引見占對不稱乃著辨命論寄其懷遊東陽紫

岩山築室居焉卒謚玄靜先生

三隱

劉紆字彥度梁人與阮孝緒劉歆為三隱卜築鍾山有終焉之志孝標嘗為書云紆超又越俗如半天朱霞歆矯又出虛如雲中白鶴皆歎歲之梁稷寒年之織績 嘗着穀皮冠披衲衣遊山澤風袖頽俊意氣弥遠遇者以為神人

二劉

劉焯字士元少與劉炫結盟為友俱以儒孝知名世稱二劉 隋開皇中二子與王邵同修國史時求天下遺書炫偽造書百餘卷題曰連山易及魯史記等錄上送官取賞而去後人訟之得赦免罪 炫卒門人謚曰宣德先生 自贊云齊鑣驥駟並翼鸚鵡整緇素於鳳池記言動於麟閣

解事僕射

劉仁軌字正則唐高宗朝為左僕射時戴至德為右僕射更日聽獄有老嫗投牒至德受訖嫗復取之曰本投解事僕射乃不解事僕射邪

九老會

劉真唐武宗朝為磁州刺史與胡杲等為九老會

見胡姓

神童

劉晏字士安八歲獻頌行在元宗奇其幼命張說試之說曰國瑞也號曰神童賜遊宮貴妃坐之膝上親為畫眉摠髻宮人遺花投果授正字上問曰正得幾字對曰皆正惟朋字未正代宗朝同平章事領江淮常平使長於理財每朝謁馬上以鞭箠死之日家惟雜書兩乘米麥數斛而已

詩豪

劉禹錫字夢得偃蹇寡合白居易推為詩豪文言其詩在處有

神物護持嘗與元微之韋楚客會于樂天之居賦詩夢得首倡白公曰四人探驪劉子先得其珠其餘鱗甲將何為三公罷吟憲宗立斥朗州司馬作竹枝辭十餘篇又作問大鈞等賦後入為主客郎中復作玄都看花君子二詩言始謫十年還京師道士植桃甚盛若霞又十四年過之無復一存惟兔葵燕麥動搖春風耳以詆權近聞者益薄其行會昌初加禮部尚書卒

雪車水柱

劉義少任俠晚折節讀書聞韓愈接天下士徒步歸之作雪車水柱二詩出盧仝孟郊之右因持愈白金數斤而去曰此諛墓中人所得不若與劉君為壽

材過晁董

劉蕡字去華唐文宗太和二年奉賢良方正考官馮宿見蕡對嘆服以為過晁董而畏中官不敢取李邵曰劉蕡下第我輩登

科能無厚顏

耆英會

劉几字伯壽宋元豐中與潞公等為耆英會几詩云偶以暮年陪盛宴喜將白髮照青春以秘書監致仕時七十五歲

元和風格

劉筠字子儀宋景德中三入玉堂希望大用詩云蟠桃三竊成何味上盡鰲山迹轉孤稱疾不出王且云劉筠宋綬相繼翰苑屬文有貞元元和風格

身登黃閣

劉沆吉郡人少倜儻任氣作述懷詩云虎生三歲便窺牛獵食寧能掉尾求若不去登黃閣貴便須來伴赤城遊王拱辰榜第二人至和中拜相

三劉

劉敞字原父號公是先生弟敞字貢父號公非先生敞子奉世字仲馮是為三劉劉渙字凝之號西澗先生子恕字道原恕子羲仲亦為三劉

一揮九制

原父治平中在西掖一日進封皇子公主九人立馬卻坐一揮九制文詞典雅

著漢書

貢父宋神宗朝充集賢院校理著漢書誤謫倅泰州題館壁云壁門金闕倚天開五見宮花落井槐明日扁舟滄海去却從雲氣望蓬萊王介甫愛之書于扇

臺評

仲馮為傳堯俞所劾敞曰小姪何過致煩臺評傳慙曰三平二滿文字劉曰七上八下人才

丈夫壯節

凝之宋天聖中為潁上令棄官歸徙居廬山之陽歐公與公同年高其節賦廬山高以羨之中有丈夫壯節似君少之句朱文公守南康為作壯節亭記 蘇子由稱其水清玉剛廉潔不撓凜乎非今世之士 張耒云文章似司馬遷談而遷談無其氣節風節似疎廣受而廣受無其文章

騎牛圖

凝之與陳舜俞養犢為騎舜俞作騎牛歌稱凝之為白雲老李伯時畫騎牛圖山谷拜其像賦詩云棄官清潁尾買田落星灣身在菰浦中名滿天地閒誰能四十年保此清靜退往來澗谷中神光射牛背 年八十餘卒官至屯田員外郎

史李

道原幼穎悟宋皇祐初司馬公為貢院屬官趙周翰知舉問以

春秋大義所對精詳凡二十問皆然擢為第一司馬以是重之時年十八英宗詔光修次通鑑令自擇館閣人材光曰專精史李劉恕一人而已 官至秘丞

漫浪翁

羲仲文孝風節能世其家有漫浪翁圖山谷書其後云子劉子讀書千卷無不貫穿不可謂漫未見古人如不能得既見古人曰吾未能如古人也不可謂浪年未四十而孝日夜進不可謂翁

鐵漢

劉安世字器之宋元祐中為中書舍人面折廷爭目之為殿上虎紹聖初黨禍起公尤為章惇蔡卞所忌逐謫嶺外人言春循梅新與死為隣高竇雷化說着也怕八州惡地公歷遍其七坡曰劉器之真鉄漢不可及也 其在宋州不妄接人而田夫野

老皆曰過南京不見劉待制如過泗州不見大聖號元城先生年七十八薨揚中立祭之曰劫火洞然不燬惟玉

三老堂

劉摯字莘老教子孫先行實後文藝每曰士當以器識為先有三老堂胡彥國詩云歷陽賓主昔多賢三老風流二十年解豸冠中魯補袞鳳凰池上迭擎天元祐中拜右相後謫新州卒謚忠肅

鐵肝御史

劉顛為御史以言事貶坡詩云烏府先生鉄作肝風霜卷地不知寒世因目為鉄肝御史

軋苗

劉輝好為險語歐公惡之有一人論曰天地軋萬物苗聖人發公曰此劉幾也因戲曰秀才刷試官刺以朱筆橫抹之謂之紅

勒帛後嘉祐中公為御試考官試堯舜性仁賦有曰靜以延年獨高五帝之壽動而有勇形為四罪之誅公稱賞擢為第一唱名乃劉輝也人曰此即劉幾易名公愕然久之

知遇

劉季孫字景文監饒州酒務時荆公為江東提刑按酒務至片事見屏間小詩云呢喃燕子語梁間底事來驚夢裏閑說与傍人應不解杖藜携酒看芝山即不問務事外車而去差揖季事由此知名後知溫州卒家無餘財但有書三万軸畫數百幅而已西六客詞

烈丈夫

劉幹字仲淹始書生起自屋累歷大藩歷事五朝紹興中奉使大金死之李綱作詩序云公視死如歸豈不誠烈丈夫哉孝宗即位勅賜旌忠褒節之碑謚忠顯二子子羽子翬

劉子翬字彥冲家世屏山有園林水石之勝號屏山先生晚年歌詠自適兄弟間恰又如也朱熹問入道次第答曰吾於易得入道之門焉所謂不遠復者吾三字符也家有二齋東曰復齋西曰蒙齋各有記

劉章字文孺以小戴禮應鄉書四冠其選紹興廷對天子親擢之第一晚年好著書王充作刺孟乃作刺又孟柳子厚作非國語乃作非又國語

墨莊

劉清之字子澄与呂東萊朱晦翁汪玉山李巽岩張廣漢講論義理之學為天下倡公先世藏書千卷謂之墨莊光宗即位御史胡晋臣薦公起知袁州號靜春先生

梅詩

劉克莊字潛夫號後村詩文閎肆瑰奇超邁特立朱淳祐中賜進士出身除秘少監兼崇政殿說書遷秘閣修撰後因落梅詩忤時相得謫有梅花百詠文集五十卷

○劉牢之字道堅鬚目驚人破符堅為前鋒號北府兵

○劉栖楚諫敬宗游畋失德以額叩龍墀流血被面

○劉子羽慷慨自許有捐身殉國之志終徽猷子琪

○劉珙入禁掖論思潤色皆稱其得體為留守謚忠肅

○劉錡紹興名將順昌之捷其功卓然父子建節

○劉光世紹興名將入覲誓竭力報國謚武僖公

仙道

○劉奉林在天台山駕鶴輕率鶴嘗墜羽故名其山曰委羽山王十朋詩云應有赤城鸞鳳過一声長嘯入青冥

○劉無名夜坐守庚申常服雄黃後見一鬼使曰我來攝君又頭上有黃光數丈不可近一金二石謂之丹君服其石更服其金則黑籍落名青華定錄後遇青華真人授丹訣鈔為君末為臣石為使黃芽為田

○劉海蟾寄問藍方云十月聖胎已成如何得出

文德齋

才李

劉孝綽三妹並有才李一適王叔英一適張暎一適徐排者稱劉三娘文允清拔

袖婚

劉晨剡縣人漢末平中與阮肇入天台山採藥望山頭有桃共取食之下山取澗水飲之見一杯流出中有胡麻飯屑因渡水又過一山見二女絕色喚劉阮姓名道即等來何晚也邀至其

家序館服飾鮮華東西各有床帳帷幔七寶瓔珞設井酒山羊脯胡麻飯就女家成夫婦仙客數人將三五桃來慶女婿住半年二人求歸女曰罪根未滅使君等至此還家驗得七代子孫却欲還女家尋不獲至晉大康八年失二人所在大元續詩云芙蓉脂肉綠雲鬟晝樓臺青黛山千樹桃花萬年藥不知何事憶人間

擇婿

劉惔字真長少清遠有標致與母任氏寓居京口織苧屨自給華門陋巷晏如也王導深器之晉武帝求婚曰得如劉真長足矣

名族

劉頌字子雅廣陵人世為名族與同郡雷蔣毅魯四大姓相匹敵嫁女於陳矯又本劉氏子出養於姑人譏之

重義

劉廷式面目有紫光未第時與隣翁約為婚既第而回翁死其女喪明女家躬耕貧甚以疾辭婚廷式曰與翁有約豈可以翁死女疾而遂皆之乎卒娶之

再婚

劉貢父再娶歐公詩賀之云仙家千載一何長浮世空驚日月忙洞裏桃花莫相笑劉郎今是老劉郎

○劉殷字長盛張宣子以女妻之既婚戒其女曰劉殷至孝其感才識超世終必遠到汝謹事之

○劉秀之字道室十歲氣識異於群兒東海何承天雅相知器以女妻之

○劉曄字耀卿未第時娶尚書趙晁之女早世再娶趙氏九姨宋天禧中除曄龍圖待制

○劉凝之以女妻六合徐長孺又又死有子名武

○劉純材富室也以女妻貧士白厚見白氏

○伊陽劉氏家富以女妻呂子衡見呂氏

○劉廷明為郭博士快婿

○劉道原娶郎中蔡異之女

○劉子羽妻卓氏封慶國夫人

○劉勉之字致仲朱晦翁之婦翁也

○劉綱夫妻俱仙見樊氏

○劉穆之娶江氏 ○劉氏范氏世為婚姻 左傳

○依劉 劉范 劉郎

(周) 角音 汝南 右穆至太王文王邑于周子孫以目為

諤諤

周舍事趙簡子簡子曰子何以教我舍曰願為諤又之臣執筆

墨操簡續隨君後伺君之過而書新序

安刘

周勃木強敦厚洪高以為可屬大事又曰周勃重厚少文然安劉氏者必勃也 惠帝朝為太尉陳平与相結交驩吕氏叛勃以一節入北軍士皆左袒為劉氏誅諸吕洪室以安 初封絳侯食邑八千二百八十户 文帝立拜丞相

真將軍

周亞夫勃次子洪文任為將軍軍細柳文帝勞之咲曰此真將軍矣 景帝以為太尉平七國之亂 初封條侯

期期之對

周昌洪高朝為御史大夫時上欲易太子昌廷争之強而吃曰臣期々知其不可陛下欲廢太子臣期々不奉詔

拾遺左右

周堪字少卿元帝朝領尚書事与蕭望之以師傅見尊重數宴見言治亂事与劉向金敞並拾遺左右

因師獲印

周福字仲進其陵人相帝微時受幸於福及即位擢為尚書時語曰因師獲印周仲進由是其陵有南北部黨錮傳

龜池逸民

周黨字伯况漢建武中被徵三聘乃肯就車陛見帝廷伏而不謁自陳頭守所志詔賜帛四十匹罷之遂隱居龜池

五經縱橫

周率字宣光姿兒短陋博學洽聞京師語曰五經縱橫周宣光洪順帝朝率茂才 迁并洲刺史移書吊介子推革寒食禁火之俗民免東死之患拜光祿大夫卒詔曰周率性侷夷魚伯夷史魚忠踰隨管加賜錢十萬以旌素絲之節 八使巡行見焉

子勰

赤壁奇功

周瑜字公瑾吳人文武籌畧万人之英赤壁之戰以兵三万破魏師八十萬 孫權曰公瑾雄烈膽畧兼人開拓荊州邈焉寡儔 程普曰与周公瑾交若飲醇醪不竟自醉少精意於音樂 其有缺誤必知之時語曰曲有誤周郎顧年三十六卒於巴丘

三害

周處字子隱膂力絕人不脩細行嘗問父老曰今歲豐人樂否曰三害未除何樂之有處曰三害云何曰南山白額虎長橋下蛟并子為三處乃入山射殺猛獸沒水斬蛟自勵志好孝為善 吳人歸晉為御史中丞 三子玘靖杞玘子勰烏程郡公 靖長子懋清流亭侯 次子逢內史三子贊武鄉縣侯 四子縉都鄉侯一門五侯

中興名將

周訪字士達少与陶侃友善遇相者陳訓謂曰二君位至方岳功名畧同訪小侃一歲訪初為汝南縣功曹薦侃為主簿 晉元帝渡江命為將軍平華軼杜弢二寇以功遷荊州刺史或說王敦曰荊州用武之國公宜自領改訪梁州訪大怒敦手書譬釋因遺以玉環王琬訪投諸地曰吾豈貴豎可以室悅乎 史臣曰訪器兼文武擁麾杖節遠近仰其威風推為中興名將長子撫有父風 撫子楚 楚子瓊有將畧三世皆為將軍瓊子彪死節于秦

人倫之鑑

周浚有人倫之鑒隨王渾平吳封武威侯 三子顓嵩謨

肘懸斗印

周顓字伯仁少有重名神采秀徹爽亮謂曰人咸以君方樂廣

顛曰何乃刻畫无益唐突西施 王導深重之嘗指其腹曰此
中何有曰此中空洞无物可容卿等數百人 晉永昌初王導
以王敦作亂每旦詣臺待罪顛入導呼之曰伯仁以百口累卿
顛直入不顧但曰今年殺諸賊奴取金斗如斗大係時後而上
表中救甚至 為僕射

冬至燕觴

周謨小字阿奴冬至日其母李氏置酒宰觴賜三子曰不謂尔
等並貴列吾目前吾復何憂嵩曰恐不如尊肯伯仁志大而才
短名重而識暗非自全之道嵩性抗直亦不容於世惟阿奴碌
又在母眼下後顛嵩皆為王敦所殺 嵩為御史中丞 謨為
丹陽尹

早韭晚菘

周顛字彥倫隱鍾山王儉曰鄉山中何有曰赤米白菹綠葵紫

蓼文惠太子問菜何味勝曰春初早韭秋末晚菘 仕宋為國
子博士復欲歸隱孔稚圭作北山移文嘲之 子捨留內省二
十余年梁武稱為公輔器 後拜相

貂蟬

周盤龍齊末明中迁光祿大夫年老求解職上曰卿着貂蟬何
如兜鍪對曰此貂蟬自兜鍪中來

三隱

周續之字道祖受業於范甯通五經五緯號十經既而閑居詭
老易晉末始入庐山射刘遺民隱庐山陶靖節不就徵號潯陽
三隱

吟風弄月

周惇頤字茂叔號濂溪先生濂溪有旧橋 二有水亭釣遊其上
吟風弄月窓前草不除言与自家意思一般 山谷云春陵周

茂叔人品甚高，胸中洒落如光風霽月。雅意林壑，初不為窘束作大極圖及通書數十篇，上接洙泗千載之統，下啓河洛百世之傳。晦庵贊云：書不及言，圖不盡意，風月无边，庭草交翠。朱雲易傳表云：濮上陳搏以先天圖傳種放，傳穆脩，又傳李之才，又傳邵雍，放以河圖洛書傳李溉，又傳許堅，又傳范諤昌，又傳劉牧，脩以大極圖傳茂叔，又傳二程。宋景祐中奏補熙寧中除提刑，謚元公。二子壽盡。

平園老

周必大，字子克，初字洪道，紹興中中博學宏詞科。在翰苑九年，有詩云：綠槐夾道集昏鴉，勅使傳宣待賜茶。歸到玉堂清不寐，月鉤初上紫薇花。嘗言六十四卦惟謙六爻皆吉，又誦夫子其恕乎一語，政平生處已以謙待物，以恕退居十五年，自號平園老。叟築室名曰玉和，公自序云：和氣謂之玉燭，方今賢和朝

物和野使，皤然一叟，得佚老於和氣之內。淳熙中拜右相，封益公。子綸，知筠州。

夜書墨板

周嗣武，字功父，乾道中除夔漕，居官盡心國事，取平板方尺，余墨塗之，置枕傍，夜卧究思，有得，伸臂捫板，畫粉暗書為記，晨起以次施行。晦翁以為有德君子。

望廬知敵

周德成，字鎮遠，望廬知敵狀兒，雄偉勇聞天下。

仙道

周義山入蒙山，遇羨門子，再拜乞長生訣。羨門子曰：子名已在丹臺玉室，何憂不仙。

周貫，自號木鴈子，治平熙寧間往來西山，人問其壽，答曰：八十西山作酒仙，麻鞋踏斷布衣穿，相逢甲子君休問，大極光陰不

計年

○周繇与李栖遠等謂之十哲 見吳罕

○周墀為起居舍人濡筆立右螭坳下 唐武宗朝拜相

○周思臧唐乾封後与刘禕之等號為北門李士

○周昉穷丹青之妙寫趙縱得其神氣情性

○周麟紹興中試宏詞第一姿儀洒落望之如神仙中人

○周美成號清真居士元豐中獻汴都賦除太李士

○周武仲宣和中為館伴使稱旨上賜茶錦宮花

○周絳与景德二十四賢之列 見边庸

女德婚姻

于齋

周澤崇永平中拜太常卧疾齋宮妻問之澤大怒以妻十犯齋禁收送獄時語曰生不願作太常妻一年三百六十日三百五

十九日齋一日不齋醉如泥

連姻貴族

周浚為安東將軍因出獵遇雨止李氏家時其女絡秀在室与婢宰羊豕具十人之饌既辦不聞人声使覘之見一女容止甚美因求為妾父兄不許絡秀曰門戶珍瘁何惜一女連姻貴族後來庶大有益許之生顥兄弟

擇婿

周浚有人倫之鑒鄉人史曜微賤浚引以為友以妹妻之

重義

周恭叔幼議母黨之婚及登科後其女双瞽娶之篤愛過於常人伊川曰某年未二十時亦做不得此事

○周訪与陶侃故旧也以女妻侃之子瞻

○周瑜納小喬 見喬氏

○馬周 從周 伊周 蝶為周

丘 官音 河南 齊大公封于營丘其後以此為姓

終身祭酒

丘靈鞠先仕宋後歸齊領東觀祭酒曰人居官願數迂使我終身為祭酒不恨也 子遲

飛翠鳴玉

丘遲字希範八歲能屬文薛藻嚴送鍾嶸詩評云遲點綴映媚似落花依草 齊朝為僕射有讓表云飛翠鳴玉出入禁門

不食武昌魚

丘巨源蘭陵人除武昌守不樂曰古云不食武昌魚乃為余杭令

東南之美

丘仲孚字公信少好學讀書叔父靈鞠稱為千里駒 王儉曰

東南之美復見丘生 梁武時為山陰令吏民敬服號稱神明政為天下第一 時語曰二傳沈刘不如一丘

死節

丘冠先字道先齊末明中位給事中奉使蠕 又國逼之拜丘曰能殺我者蠕 也不能使天子使拜者我也遂遇害

斷石旌功

丘行恭有勇力貞觀中討高昌有功詔斷石為人馬象立昭陵關前以旌其功 封天水郡公

丘礪紹興中知瑞州事重建碧落堂

丘舜中為朝奉郎諸女皆能詩兄弟內集必聯詠為樂

浮丘 糟丘 東家丘

鄒 角音 范陽 宋愨公之後正考父食邑於鄒因以為氏春秋有鄒民傳十二卷

三鄒

鄒忌以鼓琴見齊王又喜之後為齊相齊有三鄒子前鄒忌次鄒衍後鄒奭

黍谷回春

鄒衍事燕惠王被譖繫獄仰天而哭六月霜降燕有寒谷不生黍稷衍吹律而煖氣至適梁又王郊迎適趙平原君側行撤席適燕又昭王擁篲先驅其見禮於諸侯如此刘向別錄

曳裾王門

鄒陽齊人也漢景帝時與嚴忌枚乘仕吳又王陰有邪謀陽上本諫有云蛟龍駭首則霧雨咸集今臣飾固陋之心何王之門不可曳長裾乎王不納去而之梁從孝王游介於羊勝公孫詭之間勝等譖之孝王下之吏陽從獄中上書有曰明月之珠夜光之璧以暗投人莫不按劍而相眦者无因而至前也蟠木根抵輪困雜竒而為方乘器者以左右為之先容也本奏立出之

卒為上客

撲滿之戒

鄒長倩一云長信公孫弘之故人也贈弘生芻一束素絲一襪撲滿一枚書遺之曰撲滿者以土為之蓄錢之具有入而无出滿則撲之士有聚而不散者將有撲滿之敗可不戒乎

南陽人傑

鄒湛字閏父晉人少以才孝知名實為南陽人傑對武帝曰蜂蠆作於懷袖勇夫為之驚駭猛獸在田荷戈而出凡夫能之累迂國子祭酒

送行万里

鄒游與顏魯公友善顏之使希烈也游往送之魯公與蔡明遠帖云聞明遠與鄒游同來欲至采石計其不久亦合及於淮泗之間坡送王子立詩云送行万里一鄒游

江山炳靈

鄒欒華清虛服道非天地間氣江山炳靈則曷由纂懿流光若斯之盛真卿幸承餘烈敬刻金石以誌之顏魯公麻姑壇記

道鄉

鄒浩字志完楊龜山序公奏議云道鄉鄒公自少以道奉行義知名于時蓋仁人君子也遇事接物如虛舟然堅挺之姿如精金良玉不可磨磷元祐中為太孳博士徽宗即位召拜右正言除中書舍人遷吏侍謫昭州江水不可飲暑月苦於遠汲所居嶺下忽有泉涌疏為小池日得四五斛名感應泉大觀中復龍圖待制子柄

國家之光

鄒柄紹興中擢為御史上曰直臣之子也使言事聳動四方亦足為國家之光

少陵戶牖

鄒定字應可新吳人寓居于筠有詩名嘗過杜工部祠賦詩云疇昔我詩憶來陽茲因捧檄過祠堂一生忠義孤吟裏千載凄凉古道傍自是風霜侵病骨非干牛酒浣詩腸明朝解纜秋江上問訊先生一瓣香誠齋誌其墓云詩句自徐師川上遡山谷以入少陵戶牖官奉議郎

○鄒捷為散騎常侍金谷二十四友中人

○鄒景初衡之子也慶元丙辰以春秋擢倫魁

○鄒末年字天錫為松滋宰山谷有寄鄒松滋若竹泉詩

○鄒元佐精通五行有洪範福極奧旨五卷三奇見彭姓

○鄒至字致之新昌人授諸子各一經號五經鄒氏

女德婚姻

義声

鄒德懲妻從夫官于湘陰遭亂為賊所涼將汙之不屈節死于水賊去得尸義聲動江南 李華為作哀節婦賦

富婚

鄒鳳熾富商也時人稱為鄒駱駝以其樞也市南山木每株估一匹綸自云山木可及我綸有余 其嫁女也請朝士賓客數千供張華麗及女即將出侍婢圍繞綺羅珠翠垂釵曳履尤艷麗者數百人不知誰是新婦

○之鄒 枚鄒

(牛) 宮音

隴西

宋微子之後可冠牛父子孫以正父字

牛繼馬

牛金仕晉為後將軍時玄石圖有牛繼馬後之識宣帝乃忌牛金為二儘共一口以毒酒鴆之而恭王妃夏侯氏通小吏牛氏而生元帝焉

德量

牛弘字顯仁有弟弼醉酒因射殺弘駕車牛弘妻曰叔射殺牛是異事弘曰作脯妻言至再弘曰已知讀書不輟 隋開皇初為秘書監

宰相才

牛仙客本河湟使典開元中為河西節度使能勤職業李林甫曰仙客宰相才也遂以同中書門下三品封國公

金灘

牛僧孺字思黯元和初以賢良方正對策第一初為河南伊閻縣尉旧傳縣有人入臺縣前水中先有灘出石礫金沙一日灘出老吏曰此必分司御史若是西臺當有一雙鴻鵠牛祝曰既能有灘何惜鴻鵠言訖一雙飛下旬日牛拜察院 歷事四朝罷相文宗賜以羸樽龍勺詔曰精金古器以比君子 治第洛

陽歸仁里多致嘉石美木與賓客相娛樂 封奇章公 宣宗朝加少師卒

禱井

牛存節仕後梁守鄜州為宋友謙夾圍欲持久以渴疲之存節乃禱而鑿井八十有水皆井

賜綵

牛希濟蜀臣也降於後唐明宗召賦蜀主降唐詩云唐主再懸新日月蜀王難保旧山川明宗曰不忘君親忠孝也賜綵百段

犇袖破敵

牛臯岳飛愛將也宋建炎中芦州守仇愈告急於飛 又遣臯以二千騎赴之坐未定敵甲騎五千破城矣臯遙謂曰牛臯在此展幟示之敵愕然臯犇袖徑前賊疑有伏奔潰

○牛堪唐元和中大孝生也及第歸韓愈作序送之

婚姻

牛僧孺長女適苗愔次適張洙三適張希復回適鄧叔

○風馬牛

火牛

木牛

(侯)

商音

上谷

晉侯緡之後秦有侯生 讖儀始皇徵成 玩儒之過流有侯公遣之說羽約平分 天下

虛左自迎

侯羸魏隱士也為大梁夷門監者信陵君置酒大會賓客從車騎虛左自迎侯生坐上坐賓客皆驚

矯世論

侯瑾字子瑜以礼自牧獨處一房如對嚴賓作矯世論

卧轍

侯霸字君房家累千金篤志好孝王莽時為臨淮大尹更始徵之百姓老弱相携遮使者當道而卧曰願乞侯君復留一年

建武初拜尚本令

侯霸與位至鼎足

侯霸與嚴光有旧光至京師霸遣使奉本光答曰君房足下位至鼎足甚善懷仁輔義天下悅阿諛順旨腰領絕霸即封奏之

刻石紀功

侯君集以林維祗從太宗征伐有功 平高昌刻石紀功而還封潞國公圖形凌煙閣

解豸觸邪

侯思止為高元禮奴唐武后朝因告舒王謀反擢游擊將軍后問識字否對曰解豸不識字而能觸邪后大悅 酷吏傳 食籠餅必令縮忽加肉號縮葱侍郎

石鼎聯句

侯喜唐元和中與軒轅弼明指石鼎聯句弼明好句層

出喜大服

虎榜

侯繼唐貞元中及第號龍虎榜 見齊姓 王鐔為河南尹辟繼為參謀官愈送以詩云君今得所附勢若脫鞵鷹

蜺龍

侯弘實五代時人年十三四夢為虹飲于河數月有僧相之曰此蜺龍也後為節度使

勁正之孝

侯仲良字師聖呼二程為舅氏伊川嘗謂侯子議論只好隔壁聽 朱子曰其孝清白勁正而無深潛醲郁之味 人有欲館侯子者侯子造焉其家壁垂佛像几積佛書侯子去之曰吾聞用夏變夷者未聞變於夷者也

○侯瑱字伯玉討侯景有功陳文帝即位授太尉

○侯安都善騎射為邑里雄豪陳文帝即位遷司空

女德婚姻

綉回文

侯氏張睽之妻唐會昌中睽戍边十年侯氏綉回文詩作龜形云睽離已是十年強對鏡那堪理舊妝聞鴈幾回脩尺素見霜先為製衣裳開箱疊練先垂淚拂杵調砧更斷腸綉作龜紋獻天子願教形容早回鄉詣闕獻之睽得歸

○侯高女嫁官人 見王遠

○侯道濟娶程珣女

○公侯

射侯

武侯

婁

脫輓

婁敬齊人漢高五年脫輓見虞將軍曰願見上陳便宜虞与鮮

徵音 燕国 邾邾婁國之後子孫因氏考

衣曰臣衣帛衣帛見衣褐衣褐見不敢易衣見上說都関中上從之賜姓刘號奉春君 改封建信侯

跛男子

娄師德字宗仁有德量唐初為江都尉楊州刺史盧承業異之曰子台輔器也 其弟守代州教之耐事弟曰人有唾面潔之而已師德曰潔之是逆其意正使自乾耳 狄仁傑曰娄公盛德我為所包容又矣 天授中拜鳳閣鸞臺同平章事為將相三十年 本傳 初袁宏帥渡江見舟中人鼻下皆有黑氣不渡俄有一跛男子負直舫客師曰此貴人也可以濟矣男子乃師德也 表天綱傳

幼悟

婁機字彦發幼穎悟日誦數百言作文以韓柳班馬為標的攝宰潜川治庠序擇儒士而李延光首為選擢賢科親書桂枝

坊以表其廬士益知勸 宋嘉定中參大政攝中書令 年七十九

○奎婁 南婁

樓

樓音 杞國

樓為氏 樓為氏 樓為氏 樓為氏 樓為氏 樓為氏 樓為氏 樓為氏 樓為氏 樓為氏

樓護字君卿洪元成間人時王氏五侯賓客各有所厚惟護及入其門咸得其歡心与谷永俱為五侯上客長安語曰谷子雲筆札樓君卿唇舌言其見信用也 游俠傳 每且五侯饋餉之君

卿乃合五侯所餉為鯖名五侯鯖 唐記

○樓鑰趙宋人善書高宗時大孝成奉勅書扁 八

○樓望字次子習春秋操節清白世稱儒宗 樓望

牟

官音 平陽 祝融之後為牟子因子孫以因為氏

牟長字君高習歐陽尚書漢建武中為博士居河内諸生從學者常千餘人 不註尚書俗號牟氏章句

牟融字子優少博學以尚書教授門徒數百人名稱州里初奉茂才 漢永平中拜司空

牟袞宋人兄弟接迹登科號一門四桂

○中牟 貽牟 岑牟

仇

官音 南陽 宋仇牧之後

碎齒報君

仇牧宋大夫宋萬弒閔公牧聞之趨至手劔而叱之萬擊牧碎其首齒

棲鷲

仇覽一名香字季智洪延熹中為蒲亭長化陳元為孝子考城令王渙署為主簿曰聞不罪陳元而化之得無少鷹鷲之志邪覽曰以為鷹鷲不若鷲鳳渙曰枳棘之林非鷲鳳所集以一月俸資之入學 郭泰符融齋刺謁之泰下牀為拜曰君泰之師

非泰之友也

告老

仇伯玉字粹夫仕宋為戶侍上奏續乞致仕云乞骸以老敢希
洪傳之高風鼓腹而嬉願遂堯民之至樂

○仇璋王通門人北面受王佐之道備聞六經之義

○仇季子洽第三十五福地金精山在虔州

○好仇

宋

求仲漢隱士也與羊仲背以治車為業控廉逃名蔣元卿舍中
竹下開三徑二人常從之游時稱二仲徐康傳

○冉求

唐求詩人

管求

秦

管孟獻子之友裘牧仲之後

裘万頃字元量不樂仕進以薦者召為司直在朝賦詩云新築

書堂壁未乾馬蹄催我上長安兒時只道為官好老去方知行
路難千里關山千里念一番風雨一番寒何郊靜坐茅齋下翠
竹蒼梧子細看遂乞歸詩話

○菟裘

羊裘

狐裘

留

吳留畧為東海太守

○晉留璠為江夏令

留正字仲至徐處士知其必貴以友妻之 虞允文與語以宰
相器奇之宋孝宗朝歷四郡召還西府 拜相封國公 孫元
剛中博學宏詞科

勾

宮音 平陽

古勾芒氏之後

勾姓自宋建炎以來

以避高宗嫌名各不同有易其姓字者紹興進士勾声是
也有更其音者史館修撰勾濤是也加金字者鈞光祖是
也加絲者約紉是也加草者勾謀是也增為勾龍者如淵
是也改為句者句思是也累世之後不復別矣

勾井疆孔門弟子

州

州綽晉勇士奔齊莊公指殖綽郭最曰是寡人之雄也綽曰君以為雄誰敢不雄平陰之役先二子鳴二子者譬於禽戰臣食其肉而寢處其皮矣

○ 皇州

韓荊州

西涼州

歐

商音 平陽

歐冶子善作劍越王聘之作五劍一曰純鈎越王以示薛燭燭曰光乎如芙蓉始生曹植表云歐冶改視鈎刀易價今潭陽縣南石屋山西有鑄劍坑即歐冶作劍之所

區

韓文音歐又冶子之後 陳浚末長似有區景

文義卓然

區冊廣州人韓愈送區冊序云愈謫居山陽有區生者自南海

擊舟而來儀觀甚偉坐与之語文義卓然

青玉案

區革宜州人与黄山谷游為瓊州秋掾山谷贈以青玉案

由

由余著兵法六篇秦穆公用其謀拓地千里遂霸西戎

○ 許由 子由

(三十一侵)

任

官音 樂安 黃帝十二子各以德考姓第一子任姓

鈞海

任公子以五十犗為餌投竿東海期年不得魚已而大魚食之驚揚奮鬣海水震蕩得而腊之瀾河以東蒼梧以北莫不厭若魚者 莊子物

容粟

宣曲任氏其先為督運倉吏秦之敗豪傑爭取金玉任氏獨嘗
倉粟楚漢相距滎陽民不得耕種米碩至万石豪傑金玉多歸
任氏以此起富

聖童

任延字長孫年十二明詩易春秋顯名太孛號任聖童漢建武
中徵為九真太守教民婚娶養子人生子名任

屯田

任峻漢末從曹操為典農中郎將募民屯田許下軍國之饒起
於棗祗成於任峻 謚成侯 次子覽關内侯

一食万石

任愷魏人性豪侈一食万石猶云無下筋處 子罕字子倫有
賢行時稱為清平佳士 仕晉為大鴻臚

旗鈴入夢

任昉字彥升父遙仕齊為中散大夫母裴氏夢五色采旗四角
懸鈴一鈴落入懷中遂有娠生昉八歲能屬文褚彥田謂遙曰
卿有令子所謂百不為多一不為少 家聚書万卷所著文章
數千万言

蘭臺聚

任昉梁武帝朝為御史中丞簪裾輻湊預其宴者殷芸劉孺劉
顯劉孝綽張率陸倕日為龍門遊號蘭臺聚 出為新安太守
卒于官 謚曰敬子

弘文館

任敬臣字希古七歲喪母問父英曰若何可以報母父曰揚名
顯親可也乃立志從孛孛孝廉 虞世南器之歲終書上考唐
初召為弘文館孛士

因詩免役

任濤筠州人唐咸通中進士謂之十哲見吳罕詩名早著常侍李鵬見其詩有露溥沙鶴起人卧釣船流之句特与免役鄉民訟之鵬判云江西界內有詩似濤者並与免役

御書閣

任中師字祖聖宋仁宗朝除右諫議大夫上以飛帛書賜之及歸林里中建御書閣鄉人榮之謚安惠兄中正參大政謚康懿

五知

任布字應之宋慶曆中拜樞副歸休洛中作五知堂一知恩二知命三知足四知道五知幸謚恭惠子遜

大任小任

任攷字道聖与弟伋知名于蜀東坡謂之大任小任詩云大任剛烈世無有疾恚如風朱伯厚小任温毅老更文寬柔惠愛小

馮君伋字師中慶曆中倅黃州郡人德之依任公亭師中齋蘇轍作記攷之子伯雨字德翁宋元符中除正言上章論章淳蔡卞崇寧中坐黨論貶

○任座直言魏文侯親下堂迎之以為上客史記

○任鄙力人也秦武王好力鄙扣關自鬻說苑武王曰

○任安衛青客也青罷諸客皆去惟任安不去衛青傳

○任求与馮宿同隱公孫述徵之托青音不就後漢書

○任光洪光武功臣封何陵侯圖形雲臺子隗

○任棠漢陽斷人隱居教授凡三辭徵命見龐參

○任孝恭讀書一遍諷誦無遺仕齊為司文侍郎後齊書

○任圜唐明宗立為相孔循曰天下事一則任圜二則任圜

婚姻

題葉之緣

任氏能詩一日題詩于葉云拭翠斂娥眉為鬱心中事擲管下
庭除亦成相思字此字不書石此字不書紙本向秋葉上願遂
秋風起天下有心人及解相思死侯繼圖本儒素倚大慈寺樓
因秋風四起拾此葉貯中篋五六年与任氏婚任見曰此吾在
左縣時本葉 侯仕至尚書

仙遇

任生隱嵩山讀書夜有女子來曰冥數合与君為姻凡三題詩
其三云阮郎迷不悟何處伸情素明日海山春綵舟却歸去生
竟不納而去後數月任生病為黃衣吏所攝道過女仙笑曰嵩
山薄命洪汝數尽更与三年

選婿

任瞻字育長少有令名晉武崩選一百二十挽郎極一時之秀
彦育長与焉王安豐從挽郎中選女婿得四人任在其中任童

少時神明可愛時人謂育長影也好

○任遙娶河東裴氏高明有德行生子昉

○唐崔寧妻任氏散家財募兵擊楊子琳破之

○馮衍妻任氏性悍忌

○任生投曹文姬以詩而成姻

○治任 大任 力難任

陰

宮音 始典 管仲七世孫脩適楚為陰大夫月七焉 周有陰不復世居南陽新野至西漢末 始盛

黃羊祀竈

陰子方漢宣朝人至孝臘日晨炊竈神形見子方再拜受慶家
有黃羊因以祀之自是暴至巨富田七百餘頃子方常言我子
孫必大後有陰典為漢衛尉典孫名隣 又長子 識次子與女麗
華為光烈皇后

輔導東宮

陰興字君陵漢建武中為黃門侍郎帝召與欲封之與固讓曰臣未有先登陷陣之功而一家並蒙爵土誠為盈溢拜衛尉輔導太子兄識字次伯為侍中從兄嵩素與與不相能與疾言於帝曰帝廣陰嵩並經行明修踰於公鄉三子 慶丹負

賢德

陰慶有賢德推其居第田園奴婢分与二弟但佩印而已當代稱羨漢永平中封銅陽侯 嗣音射

霞綬雲檐

陰長生与王方平脩道仙都觀坡詩云真人王遠陰長生飛符御氣朝百靈 蘇子田詩云道士白髮尊面黑嵐氣染自言王方平孝道古有驗後有陰長生此地亦所上並騎雙龍翔霞綬紫雲檐陽王堂上与世作豐歎

忍垢

陰子春身服垢汚脚數年一洗言每洗則失財敗事在梁州以洗足致梁州敗山谷詩云何須忍垢不濯足苦孝梁州陰子春仕梁為梁州刺史

陰何

陰鏗字子堅工五言梅詩云花舒雪尚飄照日不俱銷詩与何遜齊名號陰何体 為梁湘東王法曹參軍嘗与賓客宴見行觴者因回酒炙授之衆皆笑鏗曰吾濟終日酌酒而執爵者不知其味非人情也及侯景亂鏗為賊擒或救之得免乃前行觴者

○陰世師少有節槩隋拜張掖太守戎狄憚之

女德

陰麗華陰興孫女也漢光微時適新野聞其美嘆曰仕宦當作

執金吾娶妻當得陰麗華後納為右在位恭儉性仁孝

○華陰 山陰 惜分陰

○琴字子開孔門弟子贈南陵伯進頓立侯

○琴高水仙也坡詩云脚踏赤鯁公跳下清冷中

○禽滑釐與田子方段干木受業子夏為王者師

○禽息秦大夫也薦百里奚而不納穆公出息當車以頭擊

欄腦曰臣生無補於國不如死也公感其言用百里奚為相

○禽慶王莽時與栗融蘇章以儒生去官

官音 南陽 周文王封異母弟耀之子渠為琴子內

岑彭字君然建武中為征南將軍伐蜀裝樓船有攻蜀浮橋詔

報曰荆門之事一由征南公為重而已所向無前進至武陽公
孫述以杖擊地曰是何神也 一夕駐軍地名彭士刺客詐為
士叔降夜刺殺彭 謚壯侯子遵嗣

德政謚

岑熙彭玄孫也順帝朝為魏郡太守視事二年輿人歌之曰我
有枳棘岑君伐之我有蠶賊岑君遏之狗吠不驚足下生斃含
哺鼓腹焉知凶災美矣岑君於戲休茲

文墨致相

岑文本字景仁少時山亭避暑有叩門云上清童子元室參衣
上清五銖之服出門至墻下不見掘之得古錢一枚自是富盛

博異志

年十四父之象坐獄文本詣司隸理寃作蓮花賦合臺

稱賞父寃遂直 唐正觀中為中書令或歡營產業文本曰吾
漢南一布衣徒步入關所望不過秘書郎縣令耳今無汗馬之

勞以文墨致宰相俸祿已重况殖產業邪 家事皆令其弟文昭主之

江東三岑

岑羲字仲華武后時為金壇令時弟仲翔為長洲令仲休為漂水令皆有治績宰相宗楚客謂本道巡察御史曰母遺江東三岑後皆列清要皆文本孫也

一門三相

岑長倩文本從子也唐垂拱初自夏官尚書拜文昌右相鳳閣鸞臺三品特進文本中書令長倩內史羲侍中一門三相

詩出肺肝

岑參詩与李杜相頡頏歌行則流出肺肝無斧鑿痕郊島旬鍛月鍊者參談笑為之 為嘉州守號岑嘉州

○岑暄字公孝李膺王暢稱其有幹國器

○李白有鳴皋歌送岑徵君云白鷗兮飛來長与君相親

○岑仲唐聖曆中為縣令登仙杏山尋覓仙人杏

金

角音

彭城

少昊金大氏之後 崇之日 碑本匈奴族 休屠王之 子武帝賜姓金氏漢朝金 姓多其後也

七葉珥貂

金日磾字翁叔漢武任為侍中信愛之 洪侍中官入侍帝帷

出負國玺冠金貂蟬金取堅蟬取潔貂取溫又着鷓鴣冠 著

忠勲之節封柁侯 上音柁 謚敬侯 与張安世皆七葉珥貂

漢代表冠金張為盛 弟倫 二子賞建昭帝時俱為侍中賞

嗣侯佩兩綬及孫而衰

綠車之寵

金涉敵之子也成帝時拜侍中以綠車載送衛尉舍綠車皇孫輦也涉從弟欽平帝時為京兆尹以家世忠孝遷光祿大夫

遊華山

金砺 陳希夷詩集云昔有衣冠子金砺遊華山問予曰向見先生先生睡未竟亦有道乎予答詩云至人本無夢其夢亦遊仙云云 炉裏名為藥壺中別有天

○金倫子宰上博篤有知為侍中封侯 安上四子常啟岑明

○金敬元帝時為侍中與蕭望之周堪劉尚同心謀議

○金彥東漢人以金贈王忱得葬

○金彥宅慶府人宋朝孝廉天下第一號義門金氏

○金去偽晦庵門人也各見附錄

女德婚姻

金節婦者安南賊帥齊亮之母以忠義誨齊亮又不聽遂絕之自田而食自紡而衣 唐大曆初下詔褒之賜兩丁侍養

金賞娶霍光之女宣帝即位賞遷太僕霍氏事萌芽賞上書去

妻獨石坐

○蠶金懷懷金 諾金

林

宮音 西河 殷比干之子逃難長林山因以林為姓

德門

林臯為趙相生九子國人號為九德之父十德之門趙王聞而嫉之欲誅之出令曰欲幸諸國擇其木果繁者伐之臯曰此王欲殺我父子也遂父子相携入白雲山王聞而咲曰賢哉林臯父子也

甘露之瑞

林攢唐貞元中為福唐尉母亡盧墓有白鳥來甘露降詔表其開蠲徭役時號闕下林家

翰林人物

林攄字彥福宋崇寧中用韓維例除翰林奉士宋朝不由科第

而除李士者惟此二人

西湖處士

林逋字君復少孤立志於孝結廬小孤山喜吟詩梅詩香影一
聯為世所稱 有高節范文正公贈詩云巢由不願仕堯舜豈
遺人風俗因公厚文章到老醇 蓄雙鶴縱之飛入雲霄歸則
復入籠中逋或遊西湖諸寺有客至童子放鶴即棹小舟歸
真宗朝賜號和靖先生

高隱處士

林敏功字子仁蘄春人年十六預鄉薦下第歸嘆曰軒冕富貴
非吾願也杜門不出者二十年該通六經貫穿白氏宋元符末
蔡元度薦之不就徵政和中林震為郡守謂同僚曰吾宗有隱
君子本郊見之及還朝奉其隱德賜號高隱處士旌表其門子
仁謝表云自是難陪英俊之遊何敢妄意高尚之事卧牛衣而

符且寒如之何搔鶴髮以興懷老其將至

有詩文千餘篇

松坡集

江西宗派法嗣二十五人之一

見潘姓

聖賢之孝

林謙之莆田人宋隆興中下第歸專心聖賢踐履之孝晚登仕
版在詞掖尋論駁不得其言而歸 號文軒先生

風節

林大中字和叔宋寧宗登極除中書舍人癸丑歲朱熹坐客有
知天文者曰星變正人當之熹曰其林和叔乎已而公果出臺
去國一節風誼凜然明年熹與公同在從班相得如平生歡公
清瘦不勝衣而毅然有任重道遠之意平時言不出口而論事
有回天之力古之所謂大臣欵

○林放字子立魯人從孔子問禮之本

○林回棄千金之璧負赤子而趨彼以利合此以天屬

○林湜字正甫善人君子也 宋紹興中為監察御史

○林女德

林氏封魏國夫人劉後村之母也

○維林 鄧林 杏林 翰林

○柳

○柳寶晉人代居江夏

○諶

○諶自求宋寧宗朝人家于盱江好孝能詩求師友於千里外

得意處自謂前輩不能及 異齋集

諶仲字文疊南昌人有德行 漢和帝朝郡卒有道仕至荊州

刺史

諶礼字秀登洪和帝朝為薛令

女德

諶姆居丹陽郡黃堂潛修至道後以銅符鐵券金丹寶章傳付許君及还帝鄉取香茅一根南望擲之俾許君認茅落處立祠今豫章有黃堂觀

○尋

隋末有尋相

(二十一) 覃

(譚) 徵音

齊郡

譚子國在齊州平陰縣西南齊滅之
譚子奔莒子孫氏焉 孟嘗逐於齊
而返有譚拾子逆之於境

仙道

譚峭得仙有詩云線作長江扇作天
鞞鞋拋向海東邊蓬萊信
是無各地只在譚生拄杖前
仙傳

數李

譚忠唐元和中為幽州大將說劉總歸唐曰
天地之數合必離
又必合河北与天下離六十年數窮必合總從之

三策

譚世勣字彥威長沙人唐末中詞宰兼茂異科
除給事中時
北騎南牧上奏以守邊為上策守河為中策
巡幸江淮下策也

譚惟寅肇慶府人幼聰悟讀書一覽終身不忘 宋紹興末梁克家榜登第

○譚宏寶四世同居詔旌表門閭燭其祖統南史

○譚必韶州人應神童科○譚煥南雄人奉八行科必

女德婚姻

○譚子娶齊女碩人詩云譚公維私姊妹之夫曰承

○吳琪妻譚氏守節罵賊而死○天

(譚) 洪書音徒南切

譚顯 漢和帝朝陳寵為廣漢太守王渙為功曹顯為主簿寵皆引以為腹心及還朝對上曰譚顯拾遺補闕臣奉詔書而已後遷廷尉

(談) 官音 廣平

○談弘謩唐開成中為四門博士 与裴度洛濱脩禊之宴見

○談庚安吉布衣也宋紹興中言本色去秋園瓜並蒂合而為一此皇帝孝治天下故見祥瑞以昭天意

○塵談 手談 阿戎談

(南) 汝南 周大夫南仲之後 曾有南遺南制

死節

南零雲善騎射唐天寶末祿山反張巡守睢陽受圍急築臺以募力死一生者有人暗鳴而來乃雲雲也 巡遣求救於臨淮

賀蘭進明無出師意雲拔劍斷一指示信一坐大驚 城陷

巡呼曰南八男兒死尔應曰公知我者故不死 宣宗朝圖其

像於凌煙閣 子承嗣七歲為婺州別駕賜緋魚袋歷施涪二

州報忠恩孝

松滋令

南卓唐人因言事出為松滋令詩贈從事云翱翔曾在玉京天
墮在江南地幾年從事不須輕縣宰滿身猶帶御爐煙詩話

○南伯逢李仙道傳初平服松指茯苓之訣

女德婚姻

○南孺子季栢子之妻生男則以告君而立之

○南之威姝美晉文公得之三日不朝遂推而遠之曰後世必
有以色亡國者

○南子衛靈夫人孔子適衛而見之夫人在錦帷中再拜環珮

玉声璆然

○南楚材娶薛氏後欲別婚貴族薛圖形寄詩乃止

○斗南 國南 終南 指南

藍

徵音

汝南

出自藍田

春秋時楚大夫藍尹譽

望仙樓

藍采和唐末時有逸士欄衫綠袴黑木腰帶一足靴一足跣夏

服絮衫冬卧冰雪出氣如烝自號藍采和歌曰踏又歌藍采和

世界能幾何紅顏三春樹流年一擲梭古人混又去不少今人

紛又來更多朝騎鸞鳳到碧落暮見桑田生白波長景明輝在

空際金銀宮闕高嵯峨曳長繩拖錢以行錢散不收後至濠梁

飛外遺下靴帶襪衫 濠州今有望仙樓相傳采和登仙時人

聚此樓望之仙傳

乘鶴飛仙

藍喬龍川人後遊洛陽布衣百結入酒肆中一飲數斗常置紙

百番於足下令人片又拽之無一破者蓋身輕也語人曰吾羅

浮山仙人一日復置紙於足下令人取足浮風雲翕又而去

有仙鶴南來空中歷又聞笙簫声

四卿堂

藍承宋天聖中與趙誠宋宜陳侁於泉州朱明院讀書後皆登科同時為列卿故朱明院有四卿堂

詩名

藍元威宋朝人有詩名其寒詩云朔風陣又送將來日午柴門半不開靈照只教添短褐孟光重喚煖深盃苦吟簷角玲瓏玉閉撥爐頭撥出灰移步東籬紅日晚細看凍蝶尚依梅其霜詩警句云溜泉畫作龍鍾結匝地渾銷鴈齒高皆為時所稱詩

○藍方號養素先生修道南岳見劉氏

○出於藍

采藍

靈藍

(耳)

官音

渤海

夏時侯國也以國為氏于耳盤既乃趣于荒野

設高宗舊冬左傳周耳人

與晉大夫爭閭田

息壤

耳茂事秦武王為左相伐韓宜陽與王盟于息壤而行宜陽五月不拔擣里子果爭之王召茂欲罷兵茂曰息壤在彼昭工時茂亡奔齊道逢蘇代謂代曰吾聞貧人女與富人女會績曰我無以買燭而子之燭光有餘可分我餘光今臣亡而妻子在秦願以餘光振之孫羅

策士

耳羅年十二事文信侯呂不韋言於始皇以為上卿太史公曰耳羅年少出一奇計聲稱後世雖非篤行君子亦戰國一策士也

懸旌萬里

耳延壽字君貺少以良家子善騎射為羽林投石拔距嘗超踰羽杯亭樓漢元帝朝與陳湯奉使西域斬郅支劉向奏其功遂封千戶賜黃金百斤拜長水校尉見陳湯

懷遠

其英洪永元九年為班超掾超遣之窮臨西海而還凡前世所未至山經所未詳者莫不備其風俗焉班超傳

江表虎臣

其寧為孫權將有計畧破曹公於烏林亦江表虎臣也

麟車乘雲

其戰字伯武從許君卒道付以金丹妙訣陳大建元年駕麟車乘雲而去宋政和中封精行真人仙傳

德政

其卓字季思晉梁州刺史鎮襄陽善於綏撫僇役悉除市無二價西土稱其德政

○其蠅古之善射者彎弓而獸鳥下弟子飛衛列子

○其龍与衛鞅爭變法曰緣法而治者吏習而民安之

婚姻

其公為蒼梧太守以女妻陶謙見陶氏

(二十四鹽)

(閻) 官音 大原

周武王封泰伯曾孫仲奕於閻鄉因氏焉 晉閻寤与其大夫爭閻田晉致閻田于周左昭九

臨食三嘆

閻沒晉魏舒屬大夫時魏舒將受梗陽人女樂閻沒女寬入諫魏子召之食比置三啖魏子問其政答云願以小人之腹為君子之心屬饜而已獻子辭梗陽人左昭二十八

明府

閻憲為縣竹令邑人有夜行得遺錦者平明送縣憲曰夜行得錦是天賜也對曰縣有明府犯此則慙 人歌之曰閻君賦政

明且相

有大節

閻續字續伯博覽墳典該通物理慷慨有大節不修細行啓懷
太子廢續與指詣闕上書訟寃仕晉為漢中太守

孝門

閻允明至孝行著鄉閭詔表為孝門復其祖調自序云願盡膝
下之歡忘懷軒冕之貴

馳譽丹青

閻立本唐貞觀中為主爵郎中上与侍臣泛春苑池見異鳥容
与詔坐者賦詩而召立本伴狀閣外傳呼畫師至則俯伏池左
研吮丹粉羞悵流汗因歸戒其子慎勿習之總章元年拜右
相時姜恪以戰功拜左相故曰左相宣威沙漠右相馳譽丹青
兄立德將作大監弟立行衛尉卿立德子玄邃司農卿

父子兄弟四大卿監

文館學士

閻朝隱唐中宗朝修文館大學生張說論近世文朝隱若麗
服靚妝燕歌趙舞觀者忘疲

雅望

閻伯嶼唐時為豫章都督王勃滕王閣記云都督閻公之雅望
祭戟遙臨

高唐館

閻欽受宋朝御史宿濠州高唐館有詩云借問襄王安在哉山
川此地勝樓臺今宵寓宿高唐館神女何曾入夢來

○北魏閻仁慶為龍驤將軍子毗篆書草隸妙絕當世

○閻慶礼為敷城太守歲以家粟千萬賑恤貧者入賴以濟

○閻安中宋紹興中進士唱名王十明第一安中第二

○閻溫字伯儉為上邳令立忠節魏志

○閻伯嶼婿吳子章隨婦翁守洪都時滕王閣落成閻俾作記
欲於席上

○出以謔客王勃為之閻意不悅
○杜絕妻閻氏有賢行

閻閻 南閻

(嚴) 官音 天水

羊姓之後楚莊王支孫以謚為姓莊氏

漢明帝諱莊故漢書改莊為嚴如嚴助
嚴光之類皆然

先進

嚴助會稽人漢武朝以賢良對策擢為中大夫是時上親任司
馬相如枚臯等而助最先進每令助等與大臣辨論中外相應

以義理之文 後因侍宴從容乞為會稽太守上與之數年上

賜之書曰君厭承明之廬懷故土聞者闕焉久不聞問具以春
秋對助上書謝留為侍中 後坐與淮南王交通棄布

近古逸民

嚴遵字君平西漢時人卜筮於成都市日閱數人每依卦辭教
人以忠孝日得百錢足以自養則閉肆下廉而讀老子 揚雄

少從之孝曰其風聲足以激貪厲俗亦近古之逸民也 蜀人
羅冲為具車馬衣糧勸之仕君平曰我有餘君不足奈何以不

足奉有餘冲曰吾家万金子無儋石之儲何謂有餘曰吾嘗宿
子家見子晝夜汲 又未嘗有足今我賣卜不下床而錢至尚餘

數百塵埃厚寸不知所用明我有餘而子不足也 益州牧李
強召為從事不就年九十餘以其業終

嚴顏之孝

嚴彭祖字公子與顏安樂俱事睦孟又弟子百餘人惟二子能質問疑義孟曰春秋之義在二子矣由是公羊春秋有嚴顏之學 宣帝朝為博士

客星閣

嚴光字子陵小字狂奴少有高名與光武同學帝即位光披羊裘釣澤中乃備安車玄纁聘之三反乃至除諫議大夫不屈去耕于富春山後人名其釣處為嚴陵瀨云一釣臺在桐廬縣南東西二臺各高數百丈有羊裘軒客星館招隱堂

知天文

嚴譔字善思唐武后時為大史令長安元年熒惑入月犯天闕譔曰當亂臣伏罪歲餘張柬之誅二張 先是為監察御史公直敢言后今按問告密者引虛伏罪

材吏

嚴挺之名浚資質軒秀擢制科調義興尉號材吏累遷給事中俄改濮汴二州刺史 重交游許與生死不易 開元中九齡薦為尚書左丞知吏部大室初李林甫擠之降為詹事卒

挺之有兒

嚴武字季鷹幼豪爽母裴氏不為挺之所容獨厚其妾英武八歲袖鉄鎚就英寢碎其首左右驚白挺之以為戲殺武曰安有大臣厚妾而薄妻者兒故殺之非戲殺也父奇之曰真嚴挺之子 天室中為劔南節度使最厚杜甫甫嘗登武床睨之曰嚴挺之乃有此兒武累欲殺之母救免

歷三鎮

嚴綬初過湖州于閔 无問切 鄉尉李達飯他客不接之後達適井州謁綬綬方宴謂曰吾昔羈旅君不顧我今我亦不敢留公達慚 綬才不踰中人而歷三鎮所奏碎位將相者九人 憲

宗朝拜左僕射 封鄭國公

歌姬賭帶

嚴續有歌姬唐錡有通犀帶唐有慕姬之意嚴有欲帶之心各出姬解帶賭之唐采大勝乃酌酒姬歌一曲而別續悵然遣之

○嚴安上書武帝召見曰公等安在何相見之晚拜郎中

○嚴震德宗朝封馮翊郡王 子公弼治行為山南第一

女德婚姻

萬石嚴媪

嚴延年兄弟五人皆至大官東海號其母曰萬石嚴媪

教子以禮

嚴氏名憲為杜有道妻十二歲而嫁十八而嫠居有子名植有女名韡教以禮度植遂名顯韡亦有淑德傳玄求韡為繼室遂成婚 立前妻之子咸六歲嘗隨其母省侍嚴氏曰千里駒也

以其妹之女妻之

○嚴灌夫娶慎氏無嗣而出之慎氏別之以詩遂止

○師嚴

許嚴

戒嚴

(廉)

角音 河東

顯帝曾孫大廉之後以王父字為氏 廉絜孔門弟子 封厥成侯

刎頸交

廉頗趙良將以勇氣聞於諸侯拜為上卿 與藺相如為刎頸交強秦不能加兵於趙者以此兩人在也 趙王信秦反間頗亡之魏後乃遣使至魏視頗可用否頗對使者一飯斗粟肉十斤被甲上馬以示可用郭開與使者金歸報曰廉將軍年老尚善飯然與臣坐頃之三遺矢矣遂不復召

襦袴之歌

廉范字叔度漢明帝朝為蜀郡太守百姓歌之曰廉叔度來何暮不禁大民安作昔無襦今五袴 與慶鴻為刎頸交時語曰

前有管鮑後有慶廉

○飛廉孝廉高士廉

詹

羽音 河間

周宣王支子賜姓詹封詹侯 晉人使詹嘉勉報以守洮林之塞文十三周使詹相伯鮮於晉昭九

粒餌引魚

詹何楚詹尹之後以獨繭絲為綸芒針為鉤荆條為竿剖粒為餌引盈車之魚於百仞之淵綸不絕竿不撓列子

世宦

詹洸為福州候官令子豪移家建陽生五子一居嚴陵一居信城一居婺女之間留武夷者二在唐有詹肇為御史中丞詹沆為侍御史在宋有詹庠為工侍

忠節

詹良臣為縉雲尉方臘犯境守忠節罵賊而死 徽宗朝官其

二子 長子大方紹興中拜簽書尋參大政

○詹邈施州人元祐中擢倫魁之選

○詹睽字晉卿淳熙中進士第一人

○詹範宋靖康中官于沐逃歸行在所高宗曰卿忠臣也

○詹適為御史臺主簿東坡有和詹適飲異亭詩江上同三黜天涯又一樽

女德

詹茂先妻有寄夫詩錦江之上探春回消盡寒光落盡梅爭得兒夫似春色一年一度一歸來

○此字...
○此字...
○此字...

○此字...
○此字...
○此字...

○此字...
○此字...
○此字...

○此字...
○此字...
○此字...

二十七咸

泥 三音凡似泥

農師

泥瞻之撰農書十八篇劉向別錄云陳教田三輔有好田者師之
漢武時為議郎遷御史

五龍

泥昭漢相靈間人濟北英賢傳云泥照載祈徐晏夏隱劉彬時
人號為濟北五龍

琴書

泥騰舉孝廉為郎中散家財五十萬以施宗族柴門灌園琴書
自適

世儒

晉泥毓奕世儒業敦睦九族時人號其家兒無常母衣無常主

撰春秋 釋疑

○沈襄與索靖等馳名海內人號燉煌五龍

見索氏

○晉汜幼春有操行七世同居家人無怨色

淵明寺子疏

(威)

○漢威宣為御史幾二十年

酷吏傳

○咸冀宣唐開元十八卒士之一圖形舍象亭

兄庚子元

(凡)

姬姓之後以國為姓傳云凡蔣邢茅周公之胤是也

戊集終

卷之四 雜錄 凡 姬姓之後以國為姓傳云凡蔣邢茅周公之胤是也

豐碑

三 凡 凡

